

VENDIM
Nr.178, datë 4.4.2007

PËR MARRJEN E MASAVE PËR ZBATIMIN E STUDIMIT TË REFORMËS SË KËRKIMIT SHKENCOR, PJESË E RRJETITI TË INSTITUTEVE TË AKADEMISË SË SHKENCAVE

Në mbështetje të nenit 100 të Kushtetutës, të ligjit nr.9655, datë 11.12.2006 “Për Akademinë e Shkencave të Republikës së Shqipërisë” dhe të ligjit nr.8461, datë 25.2.1999 “Për arsimin e lartë në Republikën e Shqipërisë”, të ndryshuar, me propozimin e zëvendëskryeministrit, Këshilli i Ministrave

VENDOSI:

1. Ministria e Arsimit dhe Shkencës të marrë të gjitha masat e nevojshme për zbatimin e studimit të reformës së kërkimit shkencor, sipas tabelës/aneksit, që i bashkëlidhet këtij vendimi.

2. Ministria e Arsimit dhe Shkencës të paraqesë për miratim në Këshillin e Ministrave paketën, e plotë e të hollësishme, për riorganizimin institucional të institucioneve të kërkimit, që kanë qenë në varësi të Akademisë së Shkencave, brenda 2 muajve nga hyrja në fuqi e këtij vendimi.

3. Ngarkohen Ministria e Arsimit dhe Shkencës dhe Akademia e Shkencave për zbatimin e këtij vendimi.

Ky vendim hyn në fuqi menjëherë.

KRYEMINISTRI
Sali Berisha

TABELA ANEKSE 1
MATRICA E VLERËSIMIT TË INSTITUTEVE KËRKIMORE TË AKADEMISË SË
SHKENCAVE DHE PROPOZIMET PËR RIORGANIZIMIN INSTITUCIONAL TË TYRE

INSTITUTI	PROPOZIMET KONKRETE PËR REFORMIMIN E INSTITUCIONIT KËRKIMOR	PROPOZIMET KONKRETE PËR INSTITUCIONIN E RI OSE ATË PRITËS
1. INSTITUTI I GJUHËSISË DHE LETËRSISË 2. INSTITUTI I HISTORISË 3. QENDRA E ENCIKLOPESISË SHQIPTARE 4. INSTITUTI I KULTURËS POPULLORE 5. QENDRA E STUDIMIT TË ARTEVE 6. INSTITUTI I ARKEOLOGJISË	Mbi bazën e këtyre instituteve ngrihet Qendra Ndëruniversitare e Studimeve Albanologjike (QNSA)	Misioni i QNSA do të jetë kërkimi shkencor në fushat albanologjike dhe ndihmesa në përgatitjen e studentëve, veçanërisht në nivelet e magjistraturës dhe doktoratës. Personeli shkencor i Qendrës do të ketë së paku 30 % të kohës së punës veprimtari mësimore në universitet. Pjesa tjetër e ngarkesës do të jetë kërkim shkencor. QNSA organizohet në departamente ose institute pasi të jenë ristudiuar fushat e kërkimit shkencor të Qendrës. Mbi këtë bazë do të ndërtohet organika dhe do të integrohet i gjithë personeli shkencor dhe një pjesë e atij ndihmës të instituteve ekzistuese. Organike e QNSA miratohet nga MASH-i. QNSA do të gëzojë autonominë në përputhje me ligjin e shkencës dhe zhvillimit të teknologjisë dhe ligjin e arsimit të lartë, derisa të hartohet dhe miratohet ligji i ri për arsimin e lartë. QNSA do të ketë varësi institucionale nga Ministria e Arsimit dhe shkencës, e njëjtë si varësia që kanë universitetet nga MASH-i
7. INSTITUTI I EKONOMISË	Instituti shkrihet. Personeli shkencor të kalojë pranë Fakultetit të Ekonomisë, Universiteti i Tiranës	Fakulteti i Ekonomisë integron personelin shkencor në përputhje me nevojat që ka për personel mësimor-shkencor.
8. INSTITUTI I SIZMOLOGJISË (IS)	Integrohet në Qendrën Kërkimore Universitare të Gjeoshkencave (QKGJ) pranë Universitetit Politeknik të Tiranës (UPT).	Qendra Kërkimore Universitare e Gjeoshkencave (QKGJ) ngrihet pranë UPT dhe përbëhet nga departamentet e mëposhtme: - Departamenti i Gjologjisë - Departamenti i Gjeofizikës - Laborator i Gjeoteknikës - Laborator i Gjeoinformacionit

		- Arkivi Qendror i Gjoinformacionit Ky institut do të jetë baza e DEPT të gjeofizikës të QKGJ. Personeli i instituti integrohet përmes konkursit në QKGJ, mbi bazën e organikës së re të propozuar nga universiteti dhe të miratuar nga MASH-i
9. INSTITUTI I HIDROMETEOROLOGJISË	Integrohet në Qendrën Kërkimore Universitare të Ujit, Energjisë dhe Mjedisit (QKUEM) pranë UPT.	QKUEM do të ketë departamentet e mëposhtme: - Departamenti i energjisë dhe ujit formohet mbi bazën e DEPT të hidrologjisë të ASH, sektorit të hidrologjisë (Shërbimi Gjeologjik dhe Qendrës së Kërkimeve Hidraulike të ASH. - Departamenti i mjedisit formohet mbi bazën e dept. të mjedisit të këtij instituti dhe sektorit të gjeomjedisit (Shërbimi Gjeologjik) - Departamenti e klimës formohet mbi bazën e Departamentit në metrologjisë. Personeli i institutit integrohet përmes konkursit në QKUEM, mbi bazën e organikës së re të propozuar nga universiteti dhe të miratuar nga MASH-i.
10. QENDRA E KËRKIMEVE HIDRAULIKE	Integrohet në Qendrën Kërkimore Universitare të Ujit, Energjisë dhe Mjedisit (QKUEM) pranë UPT.	Bëhet pjesë e dept. të energjisë dhe ujit e QKUEM (shih më lart). Personeli i Qendrës integrohet, përmes konkursit, në QKUEM, mbi bazën e organikës së re të propozuar nga universiteti dhe të miratuar nga MASH-i
11. QENDRA E STUDIMEVE GJEOGRAFIKE (QSGJ)	Bashkohet me dept. gjeografisë të Universitetit të Tiranës (UT)	Bashkohen me dep. e Gjeografisë pranë UT. Personeli integrohet përmes konkursit në dept. gjeografisë të UT, mbi bazën e organikës së re të propozuar nga universiteti dhe të miratuar nga MASH-i
12. INSTITUTI I KËRKIMEVE BIOLOGJIKE (IKB)	- Instituti shkrihet. Pjesa e Institutit që lidhet me kërkimin në biologji molekulare dhe bioteknologji integrohet në strukturat që do të ngrihen në Universitetin Bujqësor të Tiranës (UBT). Pjesa e institutit që bën kërkim në fushën e florës mund të integrohet në Fakultetin e Shkencave të Natyrës të Universitetit të Tiranës (UT).	Në UBT krijohet një fakultet i ri që mbulon fushat e bioteknologjisë, mikrobiologjisë e teknologjisë ushqimore, si dhe të cilësisë së ushqimit të njeriut, në të cilin, përveç IKB, përfshihen edhe disa departamente ekzistuese të këtij universiteti në fushat e lartpërmendura. Fakulteti mund të quhet Fakulteti i Bioteknologjisë & Ushqimit.

	- Herbari Kombëtar të marrë statusin si njësi e shërbimit universitar, pranë Muzeut të Shkencave Natyrore të Fakultetit Shkencave Natyrore të UT.	Personeli i IKB integrohet përmes konkursit në fakultetin e ri të UBT dhe në Fakultetin. Shkencave të UT, mbi bazën e organikës së miratuar nga shkollat e larta dhe MASH-i.
13. INSTITUTI FIZIKËS BËRTHAMORE (IFB)	Instituti riorganizohet në formën e Autoritetit Kombëtar Atomik në varësi të MASH-it	Në funksion të këtij organizimi, përbërje të Autoritetit Kombëtar Atomik mbeten vetëm njësitë që kryejnë detyra/funksione të tilla. Të tilla janë departamenti i mbrojtjes radiologjike humane dhe mjedisit dhe një pjesë e departamentit të teknologjive. Njësitë e tjera duhet të integrohen në departamentin fizikës të Fakultetit të Shkencave të Universitetit të Tiranës.